

ՀԱՇՎԵՏՎՈՒԹՅՈՒՆ

ՎՊՀ լրատվության և տպագրության բաժնի

2018 թվականի գործունեության

ՎՊՀ լրատվության և տպագրության բաժինը հաշվետու ժամանակաշրջանում գործել է ըստ իր պարտավորությունների և իրականացրել հետևյալ գործառնությունները՝ համալսարանի պաշտոնական համացանցային կայքի վարում և պարբերական թարմացում, ներբուհական իրադարձությունների ամենօրյա լուսաբանում և իրազեկում կայքի և պաշտոնաթերթի միջոցով, ձևավորման և տպագրության աշխատանքներ, «Վանաձորի պետական համալսարան» երկշաբաթաթերթի համարների պատրաստում և հրատարակում, գիտական նյութերի ժողովածուների ձևավորում և հրատարակության պատրաստում, գովազդային, պատճենման աշխատանքներ, տեսաֆոտոարխիվավորում, համալսարանի գովազդին միտված աշխատանքներ ԶԼՄ-ներում, ինչպես նաև սոցիալական հարթակներում, մասնավորապես՝ Ֆեյսբուք սոցիալական ցանցում:

Հաշվետու ժամանակաշրջանում լույս է տեսել «Վանաձորի պետական համալսարան» երկշաբաթաթերթի 5 համար, հրատարակվել են գիտական տեղեկագրի Ա և Բ պրակները, տպագրության է պատրաստվել գիտաժողովների 3 ժողովածու (ուսանողական գիտական ընկերության, 5-րդ միջազգային, Մ. Սանթրյանի ծննդյան 80-ամյակին նվիրված միջազգային գիտաժողովների նյութերի): Ձևավորվել և տպագրվել են 6 լայնաֆորմատ պաստառներ, համալսարանում կազմակերպված բոլոր միջոցառումների հրավիրատոմսերը, ծրագրերը, ինչպես նաև՝ գովազդային թերթիկներ, այլ պաստառներ, ուղեցույցներ, մատյաններ, պրակտիկայի օրագրեր, ստուգման զրքույկների և ուսանողական տոմսերի միջուկներ: Կատարվել են ուսումնական գործընթացի համար անհրաժեշտ բազմաթիվ այլ տպագրական, պատճենման աշխատանքներ:

Մեծացել է համալսարանում տեղի ունեցած միջոցառումների մասին պատմող նյութերի հանդեպ հանրային հետաքրքրվածության աստիճանը: Նորությունները ՎՊՀ պաշտոնական կայքում առավելագույնն ապահովել են 2000-ից ավելի դիտում: Հայտարարություններն ունեցել են 1500-ից ավելի ընթերցում: Հաշվետու ժամանակահատվածում կայքը մշտապես թարմացվել է՝ ազատվելով հնացած տեղեկատվական նյութերից. այդ աշխատանքները կրել են պարբերական բնույթ: Կայքի նյութերը, առավելապես նորությունները, տեղադրվել են նաև ռուսերեն ու անգլերեն լեզուներով: Ինչպես նախորդ, այնպես էլ հաշվետու տարում թեմատիկ նյութերում մեծ տեղ են զբաղեցրել բուհի տարբեր ստորաբաժանումների մասին պատմող լուրերը, ռեպորտաժները, հոդվածները, ակնարկները:

Կայքէջում, բացի նորությունների մասին պատմող նյութերից (225), տեղադրվել են նաև երկշաբաթաթերթի բոլոր համարները (5), 310 հայտարարություն, տեղեկատվական նյութերին կից լուսանկարների հավաքածուներում՝ բազմաթիվ լուսանկարներ բուհի միջոցառումներին, ստորաբաժանումներին վերաբերող և այլն:

Հայաստանյան 35 բուհերի վիրտուալ ներկայացուցչությունների համեմատական վարկանիշային ցուցակում («Arcaler QI», «Webometrics») ՎՊՀ պաշտոնական կայքը 2018 թ. նախորդ տարվա 4-րդ հորիզոնականից նահանջել է 6-րդ հորիզոնական. նահանջը պայմանավորված է հաշվետու տարում կայքի աշխատանքների հետ կապված որոշակի խնդիրներով (մասնավորապես՝ կայքի ծրագրային հիմնարար փոփոխություններով՝ 2018-ի 1-ին կիսամյակի ընթացքում, ինչպես նաև տևական ժամանակահատված լրատվության պատասխանատուի պաշտոնի թափուր մնալու հանգամանքով):

Համալսարանն ունի ֆեյսբուքյան 2 նույնանուն էջ՝ «Վանաձորի պետական համալսարան». առաջինը գրանցված է որպես անհատ օգտատեր, երկրորդը՝ կազմակերպություն: Առաջին էջի ընկերների թիվը թույլատրված առավելագույնն է՝ 5000, այն անընդհատ թարմացվում է պակաս ակտիվ ընկերներին նորերով փոխարինելու հաշվին: Երկրորդ էջն ունի 4759 ակտիվ հետևորդ: Ֆեյսբուքյան էջերի միջոցով տարածվում են vsu.am պաշտոնական կայքում զետեղված բոլոր

նորություններն ու հայտարարությունները՝ հնարավորություն տալով նաև մեկնաբանել դրանք: Հաշվետու ժամանակաշրջանում Ֆեյսբուքյան էջերով ապահովվել է նաև նամակագրություն շուրջ 1500 օգտատիրոջ հետ. պատասխաններ են տրվել հետաքրքրող հարցերին: Ֆեյսբուքում տեղադրված ՎՊՀ կայքի նորություններից առավելագույն դիտումների թիվը 12.310 է, իսկ ընդունելության քննությունների հայտարարության դիտումների թիվն անցել է 20.000-ից: Ֆեյսբուքը համացանցային զանազան ծրագրերի միջոցով հնարավորություն է տալիս արձանագրել տարածվող հայտարարությունների ոչ միայն դիտումների թիվը, այլև ստանալ խիստ կարևոր տեղեկություններ այցելուների բնակության վայրի (Հայաստանում և նրա սահմաններից դուրս), սեռի, տարիքի վերաբերյալ: Դա բացառիկ հնարավորություն է՝ մոտավոր արձանագրելու համապատասխան տարիքի անձանց՝ բուհում կրթություն ստանալու հավանականության աստիճանը:

Ստորև ներկայացվում է 2018 թվականին ՎՊՀ պաշտոնական կայքի աշխատանքների վերաբերյալ տեղեկատվությունն աղյուսակի տեսքով (2016 և 2017 թթ. համեմատությամբ):

Աղյուսակ 1: Տեղեկատվություն 2018 թվականին ՎՊՀ պաշտոնական կայքի աշխատանքների վերաբերյալ

<i>Ցուցանիշ</i>	<i>2016 թ.</i>	<i>2017 թ.</i>	<i>2018 թ.</i>
Նորությունների ընթերցում և կայքի այցելություններ	184 000	192 000	154.000
Ֆեյսբուքյան ընկերների թիվ (I)	5000	5000	5000
(II)	-	2455	4759
Կայքէջից վերատեղադրում	355	330	290
Անցուդարձի լուսաբանում	205	345	220

2018 թվականի ընթացքում բուհական անցուդարձն առավել շատ լուսաբանել է «Լոռի Թի-Վի» հեռուստաընկերությունը՝ 57, Լոռու «ՄԻԳ»-ը՝ 8, «Ֆորտունա»-ն՝ 30, Ալավերդու «Անկյուն + 3»՝ 2 նյութ: Համալսարանի մասին առավել շատ նյութեր տպագրվել են «Լոռու մարզ» թերթում՝ 15, «Վանաձորյան խճանկար»-ում՝ 7:

2018 թվականի ընթացքում բուհում կազմակերպված մշակութային կամ գիտական միջոցառումներին արձագանքել են նաև հանրապետական՝ «Հ1» (2), առավել հաճախ և պարբերաբար՝ «Երկիր Մեղիա» (7) հեռուստատալիքները:

ՎՊՀ լրատվության և տպագրության բաժնի վարիչ՝

Լ. Սարգսյան

19. 12. 2018 թ.